

Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
Uprava policije

Broj: 02-14-4-5571-3

Datum: 20.11.2019

Na osnovu člana 23. stav (3), tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19 i 31/19) i člana 70. stav (1) i (3) Zakona o javnim nabavkama („Službeni glasnik BiH”, broj 39/14), policijski komesar, d o n o s i:

ODLUKU
o izboru najpovoljnijeg ponuđača
“Nabavka forenzičke i računarske opreme”

I

Na osnovu Odluke, broj 02-14-4-5571, od 18.10.2019. godine i Obavještenja o nabavci, broj 16475-1-1-93-3-96/19, od 18.10.2019. godine, proveden je otvoreni postupak za nabavku forenzičke i računarske opreme.

II

Komisija za javnu nabavku stalnih sredstava i materijala za javni red i mir, vojnog materijala i uniforme za policijske službenike Uprave policije Ministarstva unutrašnjih poslova Kantona Sarajevo, imenovana rješenjem, broj 02/5-1-14-4-2652, od 14.05.2019. godine je shodno rezultatima vrednovanja i rang listi prihvatljivih ponuda nakon provedene elektronske aukcije dala preporuku da se donese Odluka o dodjeli Ugovora:

Lot 1 – Štampač – ponuđaču Inter com doo Zenica. Ukupna vrijednost ponude nakon provedene elektronske aukcije iznosi: 749,00 KM bez PDV-a, odnosno 876,33 KM sa PDV-om

Lot 2 – Matrični štampači – ponuđaču Facit doo Sarajevo. Ukupna vrijednost ponude iznosi: 6850,00 KM bez PDV-a, odnosno 8014,50 KM sa PDV-om

Lot 3 – Skeneri – ponuđaču Inter com doo Zenica. Ukupna vrijednost ponude nakon provedene elektronske aukcije iznosi: 1300,00 KM bez PDV-a, odnosno 1521,00 KM sa PDV-om

Lot 4 – Uređaj za mjerenje debljine laka – ponuđaču Shot doo Zenica. Ukupna vrijednost ponude iznosi: 2250,00 KM bez PDV-a, odnosno 2632,50 KM sa PDV-om

Lot 5 – Komplet za balističko viziranje – ponuđaču Shot doo Zenica. Ukupna vrijednost ponude nakon provedene elektronske aukcije iznosi: 8450,00 KM bez PDV-a, odnosno 9886,50 KM sa PDV-om

III

Po okončanju roka za žalbu, ugovorni organ će pozvati izabrane ponuđače radi zaključivanja Ugovora o javnoj nabavci, kojim će se regulisati međusobna prava i obaveze.

IV

Ova Odluka stupa na snagu danom donošenja.

Obrazloženje

Na osnovu Odluke, broj 02-14-4-5571, od 18.10.2019. godine i Obavještenja o nabavci, broj 16475-1-1-93-3-96/19, od 18.10.2019. godine, proveden je otvoreni postupak za nabavku forenzičke i računarske opreme. Procijenjena vrijednost javne nabavke iznosi 20.130 KM bez PDV-a (Lot 1 – 770,00 KM, Lot 2 – 6.850,00 KM, Lot 3 – 1.790,00 KM, Lot 4 – 2.250,00 KM, Lot 5 - 8.470,00).

Prema Zapisniku sa otvaranja ponuda od 04.11.2019. godine, za aktivno učešće u postupku, dostavljene su ponude od strane ponuđača: Nexis doo Sarajevo, za Lot 4; Inter-com doo Zenica, za Lot 1, 2, 3; MRG Export Import doo Banja Luka, za Lot 5; Shot doo Zenica, za Lot 4 i 5; Facit doo Sarajevo, za Lot 1, 2, 3; Imtec doo Sarajevo, za Lot 3.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-14-4-5571-3, od 18.11.2019. godine, u kome je navela da:

Ponuđač Imtec doo Sarajevo u dostavljenoj ponudi za Lot 3, nije dostavio sve dokumente na način kako je to predviđeno tenderskom dokumentacijom koji su rezultat ispunjavanja uslova ekonomsko finansijske sposobnosti, i to izjavu o ispunjenosti uslova iz člana 47. Zakona. Prema tome ponuda ponuđača Imtec doo Sarajevo se odbacuje u skladu sa članom 68. stav (1) Zakona.

Ponuđač Nexis doo Sarajevo nije preuzeo tendersku dokumentaciju, putem portala za javne nabavke, u skladu sa tačkom 32. tenderske dokumentacije, te prema tome ne ispunjava uslove za učešće u postupku, jer je jedini dozvoljeni način preuzimanja tenderske dokumentacije preko portala za javne nabavke. Prema tome ponuda ponuđača Nexis doo Sarajevo se odbacuje u skladu sa članom 68. stav (4), tačka i) i j) Zakona.

Ponuda ponuđača Intercom doo Zenica za Lot 2, nije prihvatljiva iz razloga što se u dostavljenoj ponudi tehničke specifikacije uređaja razlikuju u originalu i kopiji ponude. (tehnički podaci za dva različita uređaja). Prema tome ponuda ponuđača Intercom doo Zenica, za Lot 2 se odbacuje u skladu sa članom 68. stav (4), tačka i) Zakona.

Ponude ponuđača Inter com doo Zenica, za Lot 1 i 3; MRG Export Import Banja Luka za Lot 5; Shot doo Zenica za Lot 4 i 5; i Facit doo Sarajevo za Lot 1,2,3 ispunjavanju sve zahtjeve iz tenderske dokumentacije.

Pravo učešća u elektronskoj aukciji u skladu sa Pravilnikom o uslovima i načinu provođenja elektronske aukcije (SG BiH, Broj 66/16), su stekli ponuđači: Inter com doo Zenica, za Lot 1 i 3; MRG Export Import Banja Luka za Lot 5; Shot doo Zenica za Lot 5; i Facit doo Sarajevo za Lot 1 i 3.

S obzirom da je Tenderskom dokumentacijom i obavještenjem o nabavci bilo predviđeno provođenje postupka elektronske aukcije za Lot 2 i 4, i da je u postupku zaprimljena po jedna ponuda, nisu se stekli uslovi za provođenje elektronske aukcije u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16).


Nakon provedene elektronske aukcije dana 18.11.2019. godine Komisija je pristupila daljem pregledu i ocjeni ponuda te je u skladu sa utvrđenim kriterijumom najniža cijena ponuda, riješeno kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.

—POLICIJSKI KOMESAR /
Generalni inspektor policije

Nusret Selimović



DOSTAVITI:

1. Komisiji
2. Ponuđačima
3. Odjeljenju za odnose s javnošću,
radi objave na web stranici ugov. organa
4. a/a

